



平山堂圖志
 郭慶藩
 署檢

ル 5
 3364
 3



門 5
號 3364
卷 3

平山堂圖志卷第五

寧夏 趙之璧 編纂

藝文三

詩

國朝

平山堂

王士祿

平山樓閣說淮南想像風流向夕嵐更有司徒遺
廟在石幢松火照深龕

平山堂作二首

王士正

廣陵城北早春時寂寂東風柳未垂不見歐公遊

皇清同治六年
五月二十五日
藏 朱

賞地荒亭片石使人悲

偶來折柳向平山幾樹柔條未忍攀一種輕黃汪

水上依依曾照昔人顏

冶春絕句

同林茂之前輩杜于皇孫豹人張祖望程穆倩孫無言許力臣師六修稗紅橋

酒間賦

王士正

今年東風太狡獪弄晴作雨遣春來江梅一夜落

紅雪便有天桃無數開

紅橋飛跨水當中一字闌干九曲紅日午畫船橋

下過衣香人影太匆匆

東家蝴蝶作團飛西家流鶯聲不稀白紵新裁如

雪色潛來花下試春衣

髯翁三過平山下白髮門生感故知欲覓醉翁呼

不起碧虛樓閣草離離

東風花事到江城早有人家喚賣餠他日相思忘

不得平山堂下五清明

坐上同矜作達名留犁風動酒鱗生江南無限青

山好便與諸君荷鍾行

海棠一樹澹胭脂開時不讓錦城姿花前痛飲情

難盡歸卧屏山看折枝

故國風流在眼前鵲山寒食泰和年

元遺山濟南詩句 邗

溝未似明湖好名士軒頭碧漲天時祖望談吾郡山水之勝名士

軒在明湖曾子固守郡時所作

春杪登平山堂眺江南山 王士正

時魚出水浪花圓北固樓前四月天却憶戴顓山

戶裏櫻桃風急打琴弦

宗定九畫紅橋小景于便面見寄賦懷二首

王士正

辛夷花照明寒食一醉紅橋便六年好景匆匆逐

流水江風幾度沈郎錢

紅橋秋柳最多情露葉烟條遠恨生好在東原舊

居士雨窗著意寫蕪城

吳江顧樵水寫予平山舊詩摘星樓閣浮雲裏一

傍危闌望楚江之句為圖相寄雨中偶成一詩

奉荅兼寄茂倫定九 王士正

哦詩三十年往往在人口旗亭與樂府流傳亦時

有江淮好事多圖畫煩好手詎敢擬右丞家風映

先後廿載走京塵頗已忘敝帚君復為此圖毋乃

太駢拇平山高矗矗楚江清瀏瀏雁齒紅闌橋鵝

黃水楊柳風景故依然問是淮南否俯仰慨今昔

少壯成皓首他時鱸鄉亭相過索盃酒息壤猶在

彼寄語雪灘叟

汪舟次雨集泛紅橋同劉公戩唐耕塢孫豹人程

穆倩孫無言

施閨章

出城通野艇鼓柁過名園只爲論文友重開對雨
尊亭臺綠浦漱雲樹接江村遙望平山路風流二
老存

雨集平山送查編修嗣璫蔡舍人望方上舍世舉

唐明府紹祖入都二十韻

朱彝尊

金飈斂行潦絳葉鳴凜秋曉雨原上來枯桑落荒
溝筠車北岡路徑盡知所投平山表遺迹經始歐

九修手移新堂柳縷汲冽井流至今闌檻曲詩版

存王劉吾來堂未建再至乃登樓未知百年內紺

塔能復不一蕭

陽

二卞子

恒久

載酒羅庶羞征鴻

適來賓鳴鹿迭相求翩翩羣雅才簷笠偕燕遊江
光湧平楚草色連遙洲淮南十一郡千里極望收
同人齊所願于野獲良謀查蔡金閨彥方唐才士
尤將從畿南驛直抵山後州豈曰無衣裳客子在
道周感彼蟋蟀唱役車何時休燕南趙北際慎勿
久滯留且復飲沈頓率意成狂謳

紅橋

朱彝尊

春蕪小雨滿城隈
菲屋疏簾兩岸開
行到紅橋轉
深曲綠楊如薺酒船來

丙午小春同曹子顧宋荔裳王西樵諸先生讌集
紅橋園亭分得青暉二字
陳維崧

載酒紅橋北
群公屐早停
小春風景好
高雁度秋亭
薄醉憑闌望
狂歌抱膝聽
那須愁日落
月挂柳枝青

多病心情減
深居與世違
今宵偕勝侶
清夜叩山扉
野色明霜樹
疎林照夕暉
來朝仍有約
翻恐峭帆歸

招林茂之先生劉公猷比部小飲紅橋野園

陳維崧

遲日和風泛綠蘋
落花飛絮罥紅巾
此間簾影空
于水何處琴聲細
若塵水上管絃
三月飲坐中裙
屐六朝人
獨懷紅板橋頭路
白髮淮南又暮春

平山堂
陸可求

土阜環疎柳
來探春色閒
靜聞孤寺磬
遙見隔江山
碧塢桃千樹
清溪水一灣
堂高極目望
瀟灑出人間

揚州懷古雜詩
汪琬

畫檻雕欄異昔時平山遺趾半參差如何行客春風裏猶唱文章太守詞

雨中過平山堂飲

秦松齡

廣陵城外氣蕭森有客衝泥入遠林風獵夜荷山閣動雨寒新竹草堂深放歌天地多濃綠中酒江湖易薄陰無恙雷塘東下水盈盈猶照故人心

紅橋

秦松齡

王郎佐郡絕風華百首詩成未放衙今日使君遺愛在紅橋齊唱浣溪沙

九日同人讌集限登平山堂四韻兼寄金長真太

守

彭

爽閣秋烟裏虛闌任客凭扁舟何意住逸興幾人乘野菊今朝醉山翁舊日登臨風把卮酒松下酌廬陵

山樓長眺望極目見蕪城沙闊江鴻遠天空楚樹平十千豐酒價六一盛詩名重起烟霞色偏憐客宦情

堂北秋將暮丹楓照客顏比鄰殘葉寺遠樹夕陽山無恙川原在難逢歲序閒風流時代盡憑弔欲追攀

兄弟登高宴天涯共此堂樹栽今太守日落古重
陽白袷敲看鬢茱萸醉滿囊竹西歸路近野色暮
蒼蒼

平山堂

陳廷敬

我浮大江來迴望江上山山遠翠猶送江去潮復
還江山遞明滅暝宿茱萸灣訪古平山堂水竹清
心顏遂登堂上樓江流山色閒是時夏景殊雲峰
爭烟鬟歐公千載後何人共躋攀風流寄欣賞寬
簡蘇軾鰥豈惟雄文字實將激懦頑門前清渠水
至今餘潺湲留題渺何處似有墨痕斑

平山堂二首

宋 犖

路出紅橋畔秋原問蜀岡穿林尋曲徑拾級到高
堂遠岫平襟帶長江得渺茫呼童埽黃葉好煮石
泉嘗

昔賢良宴會茲事已千秋勝地幾興廢閑雲此去
留樓開歌舞外塔入海天浮何處鳴笳發蕭騷起
暮愁

紅橋

命名自阮亭

宋 犖

最是揚州勝紅橋帶綠楊著名同廿四佳話自漁
洋去住笙歌接空濛烟水長幾回憑弔處詩思寄

斜陽

平山堂社集

偶爾成三過於今復此間歡場輕白首才子重青山古樹知興廢寒雲見往還誰言一杯酒千古幾人間

平山堂雜感和蘇江陵韻二首

吳綺

千載關情地頻來繞砌行過江山翠近倚檻暮雲輕遊女矜粧束山僧少送迎莫愁浮棹遠春水正淅淅

此地山光好春來二月時微風響鈴鐸殘日在罍

恩慷慨仍懷古蒼茫獨詠詩所思曾不見天末碧

霞披

蔣前民招集紅橋

袁于令

郭外藕花秋輕風蕩小舟自來千古地能得幾人遊有客如孤鶴容予比信鷗平山觴詠處不負舊揚州

秋日郡中諸友招飲平山堂舊址因議修復分得

寒字賦成二十韻

金鎮

白露戒素節涼風動輕紈感此君子心攜手共盤桓弭節泊枉渚列筵面層巒芙蓉發朱花離披香

平山堂圖志卷五
未殘葭莢依岸生
簌簌驚秋寒
杖策入烟徑
堆阜列巒岿
日落禪智塔
草深蜀井榦
上方益聳秀
朱堂吐納寬
平鋪出峽水
仰視隔江山
淮岑萬疊來
青影落杯盤
頗憶小蘇句
千里對平欄
其時拭遺墨
流涕增汎瀾
奈何彈指頃
轉爲緇素蟠
而我承餘芬
輟食空三歎
甘棠藹遺蔭
剝復理必還
茲事如有待
斯遊豈無端
極目眇江海
氛祲氣漫漫
吾土雖云樂
輸將恐已殫
夕陽帶歸舟
荷鋤夾道觀
所期間里宴
日夕相追歡

初冬泛舟遊棲靈寺訪平山堂舊址二首

鄧漢儀

小春風景勝何故
減登臨暖日偕君子
扁舟問遠林溪亭
黃葉盛山寺白雲深
好坐岡頭石烹泉
細細吟

聞有歐陽跡風流天下傳
少時猶過此垂老竟茫然
堂址開金像碑銘坼冷泉
何人輕改作無乃負前賢

金長真太守興復平山堂落成讌集紀事

許虬

天地餘清晏江山慰寂寥
仕優襄盛典農隙應公

徑六一儀型舊尋常俎豆遙雖無金鑄像還見石
題標明黨曾經錮居民勿敢樵俄馬嗟剝落竟爾
任飄搖後學謀興宇賢侯正接鑣采荷週曠野躡
棘上岩堯蠲俸營丹雘鳩工壯碧霄簪裾倫廣被
風雅道相招再集歡彌展初成景輒饒層楹齊露
樹蔽甸暖烟苗月照三千履花通廿四橋嵯帆風
杳杳漁網雨瀟瀟榜外高低堞牕中曉夜潮星辰
垂靜院禮樂示僧寮逗磬松谿午沈鐘竹幌宵規
模遷後大感慨坐來銷文擬昭明選惟堪董子邀
彈冠扶運會振袖謝鹿蠶渡口能驅虎林端幸絕

鴟安瀾邦祀禹擊壤世賡堯式版祈寒暑存神泯
侵妖輜軒倚過騎鄉物講迎貓正誼當途責平生
吾黨要曾蘇身擬配今古首同翹對越羹墻切觀
瞻位置超軍容閒內境觴政布新條好士名逾重
昌期俗返澆魯侯多色笑曼倩亦芻蕘有客工堅
白誰家病渴消和歌因畫諾永夕復今朝霜久楓
猶醉嵐深黛欲描危巢攀鷓鷖淵室瞰鮫綃幽興
仙蹤別生涯牧豎聊品泉第五穴汲綆此雙瓢衰
柳悽爭舞高松勁恥凋疇垠荒綠穢藥圃藝紅蕉
探洞行呼鹿弋弓坐仰鷗吳鉤凝乍凍桐尾拂仍

焦擁陌油車緩巡隄寶勒驕蒼葭人弗遠翠管曲
方調珠龍資攻玉羊裘肯伴貂楚漿馨桂醴郇炙
雜蘭椒落落筵剛滿傚傚燭旋燒遊梁追授簡入
洛羨乘軺畫戟朱糝吐芸籤碧字雕聞聲懷縞紵
報賦愧瓊瑤几研憑苔設縹緗荷杖挑鶴鳴依晚
峭鳥韻借春嬌綸綉頒恩寵桑林問土謠板轅宜
父老載筆借賓僚弦誦羅言偃刑書陋國僑猪肝
餘折東樾蔭避驚颺陵谷忘移改登臨愛汨滂節
催沙鴈度蟄禁草蟲嚙勝事應難朽勲華共不桃
邦溝長錯繡鄒律轉陽杓旰食修干羽邊烽隔麗

譙萬方皆脫劔孤權更聽簫

訪大明寺泉同張介子蔣子久

杜濬

人代百務繁山中一泉躍素友宛具舟游子欣出
郭騰騰陰霞霽汨汨蚤潮落蒙翳經法雲聊自意
所畧寺名自劉宋水味異漿酪躬汲窺沈深獨醒
知淡泊寧居第五名不受驃騎爵飲罷祛塵機意
遠陟苔閣望眼竟有涯寸心忽無託悠然來去情
誰知哀與樂

分賦古蹟得第五泉

吳嘉紀

荒邱絕塵囂石甃蒙荆棘疇昔烟霞侶修綆於此

汲提攜甕罌潔滴瀝苔蘚濕靈液生天壤何心冀
賞識人偶辨甲乙名已傳都邑伊子家海濱潮汐
作飲食鹽井難沃胸源泉苦相憶數載願弗遂一
瓢今始執悠悠寺鐘聲鑿鑿秋山色披榛自去來
松風動蓑笠

第五泉歌

平山堂逢褚覲耘
孝廉同徐元夏作

李良年

平山堂下水水石相氤氳第五與十二品藻何紛
紛茶經每見流傳誤歐陽金石垂遺文伯芻最金
山鴻漸淮康王吾徒游歷苦未遍何由浥注為低
昂竹西小住今年乍茶甌惱殺渾流瀉醉客宵嘗

不解醒蒼頭曉汲還論價忽記茲泉水清冽遠拂
荒碑探舊穴百轉銅瓶倒轆轤齒牙卻潤嫌山雪
褚翁嗜茶癖無比身是王盧友劉李了髻山童折
脚鐺一擔花影斜陽裏鳩坑日鑄夙所耽亦有顧
渚新芽美蟹眼松濤解后間綠莎如茵石堪几因
思惠山飲更憶江心艤不須甲乙較前人暫游喜
啜三名水君攜衲子我攜客風景何曾負雙屐碧
樹紅橋正可留那知別思懸沙磧長安斗水須百
錢黃塵拍眼朔風顛蹄泚解渴尋常事從此相思
第五泉

紅橋

李良年

出郭饒幽興逶迤信馬蹄灑衣花片小隔岸酒帘
齊沙雨迷離下山禽睨睨啼微聞清珮響人在板
橋西

三月三日程師儉招同黃自先江郢上家叔定蛟
門泛舟登平山堂得詩十八韻 汪 楫

激灩水增波佳辰重修禊畫船如鱗次盼睐失埤
塊春氣今年惡累月少開霽青簾得乍捲颺風忽
而細理檝踴篙師靜波儼屏翳楊枝送婀娜水檻
引迢遞游河既濯穢陸游詩濯穢游黃河凭風更決背川光

真是練樹綠不如齊山堂斬然新追往傲精衛登
樓捫白日浮雲未許蔽結構亦已工丹腹苦難繼
以此俟後人詎異調鑿枘義色動賢主慷慨謀共
濟指畫上檐阿料理到階砌試看聚米算絕勝牙
籌計曲水有浮杯西池盛清製釀川且同酌仕篤
賦云酌酒釀川枯腸若為劇鼓柁待重過抽毫頌佳麗
金觀察招同杜于皇程穆倩孫無言鄧孝威宗鶴
問彭爰琴何奕美黃文三集平山堂限五言古

體十二韻

汪 楫

歲暮冰雪盛松竹寒皚皚朝來山出日條若三春

暉含光動林薄物象欣有依野色淨車馬主人攜
賓來昨構山上堂前賢儼在斯入門古今接襟抱
豁然開今日復何日前躅後人追絲竹山水間誰
謂知音稀空雲渡檐楹江岫蒼庭階風景佳如此
歡娛正及時策足須要路立身常苦遲相隨愛良
會美酒何能辭

步平山堂舊址有懷六一居士

汪楫

揚州自古繁華區深谿峻壑無與娛品題慣得文
章伯名邦從此稱江都枚鄒已往鮑昭遠濤聲寂
寞蕪城晚廬陵學士剖符來平埜一朝同絕巘平

山山上幾間屋繞屋新栽萬竿竹上客賦詩風滿
樓小史傳觴花映肉有時湖上採蓮歸十里漁歌
到山麓翻波荷葉亂花紅隔江巖岫當門綠山光
花氣未全非只是堂前竹影稀把酒還來太古月
肯教早放畫船歸

郡伯金公復建平山堂招同諸君讌集限五言排

律得五十韻

汪楫

文采無今古山川有廢興百年僧舍迴一月草堂
仍太守鳴騶至羣賢接跡升新階同雨洗畫棟儼
霞丞道路爭傳瓦工師正引繩喧厯雲欲變邪許

谷齊應此際宜晴朗侵晨尚鬱蒸天心開笑語人意盡飛騰往者堂初建歐公世所稱至今崇俎豆端不愧師承愛作平原飲時招耐久朋荷花香十里竹葉醞三升五馬行觀獲輕舸唱采菱纏頭堆蜀錦染翰費吳綾每讀朝中措如飡六月冰衰翁還自看年少敢相矜朝中措歐公平山堂詞名看取衰翁詞中語也大厦何時壞朱欄不可凭樵蘇到柱礎嶺路入田塍曉日鳴車鐸春風響射棚頽垣空駐馬低岸只懸罾無復文章伯惟餘粥飯僧林中誰列炬世外浪傳燈對此心常戚其如力弗勝莊嚴有底急兼併若

為懲舍弟思持鉢

謂蛟門

時人慣摸棱一朝公作郡

百務本從繩善說宰官法羞參最上乘經營開草莽結構稍峻嶒繼往留渾樸隨時飾綵繒丹樓須顧愷留壁謝徐凝十月霜華薄高邱爽氣澄紛拏山歷歷雙峙塔層層好景收襟帶華筵上毘甃大人多九列處士足三徵賦各懷王粲舟都共李膺真成花照眼遮莫酒如澗憶昨喧輦鼓橫空布繳矰離羣號旅鴈掣臂走饑鷹天塹殊難恃東山實可憑出城尋嘯咏比屋失凌兢余豈鷄羣鶴叨為驥尾蠅美名慚獨許勝地快同登草木兵俱靜江

淮勢益增人皆欽雅量竊更服廉能草野依肝膈
朝廷重股肱試看觀察使詎遠秘書丞最喜遷喬
木還愁別廣陵難攀官閣樹但把剡溪藤元叔悲
窮鳥青蓮賦大鵬徒然同舉解安得遂擔簦

平山堂

汪楫

山色江南在竹陰堂上稀野花猶愛客片片下山
飛

乙巳春夜讀王阮亭先生紅橋冶春諸絕句漫作

二首

宗元鼎

紅橋春柳碧條條十五橋中第一橋多少遊人渾

不識獨留才子聽吹簫

休從白傅歌楊柳莫向劉郎演竹枝五日東風十

日雨大家齊唱冶春詞

平山堂

宗觀

堂對江南遠近山千螺青挿酒杯間幾時改作樓

靈寺六一高蹤可再攀

汪季角平山結夏

宗觀

消夏樓居得暫閒八牕敞對有無山筆牀茶竈松

風響只許吟詩客報關

平山堂落成四首

汪耀麟

誰使山堂廢於今已十年忽開新棟宇重見舊山
川俎豆廬陵在文章慶歷傳看碑思太守端不愧
前賢

覽勝原無際登高今有樓江光騰北固山色隱西
州到此心能曠因之足欲休笙歌與風月真賞信
堪留

不分山泉好沈埋蔓草間小亭新結構勝蹟可躋
攀豐樂名何遜參寥味可刪自茲金井上不放轆
轤閒

昔日行春地封庭復有臺檻從空處倚門對遠山
開野竹何時長垂楊且自栽觀成殊不易把酒興
悠哉

暮秋紅橋野望呈金長真郡伯
汪耀麟

一帶紅橋路三秋綠水灣正宜撐小艇直可到平
山城郭斜陽裏園林落葉間停車看柳樹坐愛使
君閒

印曙戒侍講招同豹人醉白家兄叔定汎舟登平
山堂用山色有無中為韻分得無字

汪懋麟

涼風扇華節霖潦盈江湖客行自淮水幽興聊平

蕪招攜登墊航二三皆酒徒金魚不自惜美醞從
我沽蕩槳越城郭沿渠足菰蒲蓮葉結淺翠蓮花
耀深朱顧此樂無極陶然傾一壺犧舟版渚下策
杖平山隅密雲蔽陽景回颺生高梧歐公雖云沒
綠楊猶未枯山川賴人傳文章安可無

三十六韻

汪懋麟

時節初逢卯是日年華復建寅一冬常苦旱七日
已驚春出郭宜登陸尋幽怕問津柳容青未著梅
意白如勻凍草承車軟林禽語客馴到山鐘未午

禮佛飯初辰祠宇尊先哲周防仗後人廿年心始

遂八字夢何因

築真賞樓初成夢歐蘇兩文忠公
命余作聯余應聲曰登斯樓也大

哉觀乎遂
用爲對

勝跡原無敵佳題信有神江山列淮楚

人代本梁陳夜夜笙歌沸朝朝粉黛嚙燒香來妙

女祈嗣肅明禋范相宮方楚胡公廟肯薪

山傍爲
文正安

定兩祠三賢真尚友百世此爲鄰地脉原通蜀泉源

舊出岷一亭依衆樹片石出荒榛近水烟光活遙

天雪意純初馬猶是霰倏矣盡成塵素女翔天闕

湘娥舞漢濱滿空交蛟蝶遍夜失麒麟著地渾如

掌當杯不及脣迴戈光灼灼奔馬勢駢駢喜勝褰

瑤草狂思倒葛巾步兵厨恐竭公瑾味稱醅接席
皆仙客逃名半隱倫爭先持玉斗攘臂劈銀鱗勢
欲傾三峽歡堪抵一旬交原垂髮好飲是布衣真
慎勿言通塞何須辨主賓行觴休緩緩起舞共蹲
踣晚霽還移席終筵莫吐茵夕陽看有態積雪浩
無垠暮鵲歸飛急昏烟繞舍頻紅樓連市燭畫鼓
隔城闌雨夜期烹韭晴天訂採蓴定知邱壑好得
醉即稱臣

同友人泛舟游平山新堂

汪懋麟

堂成羣望愜勝賞眾歡同畫檻雲邊出松門寺外

通隄長宜雜樹臺敞正晴空五百餘年後依稀六
一風

金長真太守興復平山堂落成讌集紀事

黃虞稷

勝蹟垂今古風流見後先名邦恢傑構盛事嗣前
賢歌吹喧閭井魚鹽富市廛罔因崑軸倚岫借蔣
陵懸陳迹歸蕪沒新題煥刻鐫翬飛誇日麗鰲奠
詫雲連景物增新槩江山入舊妍真成美輪奐無
復慨桑洲慶歷承平永歐公出守專茲堂經作始
平楚攬收全每命觀風駕時斟近寺泉五絃調淥

水百妓豔紅蓮楊柳風中檻龍蛇醉後椽人間金
馬客上界玉堂仙代謝悲巖谷登臨感逝川雲烟
一瞬改烏兔兩丸旋不見文章伯空餘梵唄筵佳
遊成寂寞憑弔起延緣復古思徒切乘時勢孰便
幾傷頽壞久幸覩昔觀還汝水恩波闊維揚雨露
涓來蘇賡豈弟敷政善承宣閣爲凝香靜帷因問
荅褰簿書雖旁午逸興轉踟躕退食行郊甸娛賓
盛豆籩雙旌虹旖旎五馬錦連乾庾鮑還聯座應
劉實比肩升高能作賦即席善題箋地映芙蓉曉
霞澄綺縠鮮當杯歌宛轉揮翰字蜿蜒馴鹿方來

駕啼鶯已報遷外臺分節鉞驛置卹危顛作牧三
藩重題屏特簡甄遠沾河潤沃近接惠心闡吐握
宏延攬過存度陌阡式廬勤道左擁篲失車前敢
執衡門固空紆長者駟春風乍披拂碧鮮愈嬋娟
翹首瞻雲漢卑躬力研田嗜書疑有癖得句喜應
顛迂拙曾何取勃澣亦見憐嶽宗羣望止滄海衆
歸遄江左夷吾日襄陽叔子年請看三月化更補
六朝篇

揚州金太守修復平山堂讌集和曹侍郎韻

毛奇齡

東閣人何在蕪城賦未傳每游吳苑去只愛蜀岡
前地擅江都勝堂成慶歷年風流聞舊守登覽揖
前賢山遠平如掌墻低甫及肩折荷分四座種柳
並三眠漸覺春風度還看歲月遷重來送原父三
過憶坡仙廣牖通樵爨空壇傍竺乾賓閑甃社酒
妓散廣陵船何幸文章牧方從汝穎旋乘時聲籍
甚懷古意悠然行部朱旂繞尋幽錦纜牽雲樓恢
佛地月俸解官錢文杏安凋檻團花隱甃磚龍蛇
遺字古魚鳥近人憐翠甸宜圖畫紅橋度管弦同
舟攜郭泰開館得田駢我本平臺友忻觀鄴下篇

淮西三歲別江介一星躔未乘陪常晚長筵醉不
先到來追賦咏何似杜樊川

上巳平山堂修禊分得急字

彭桂

蘭亭邈已遠往哲渺難及修禊值茲辰維舟傍江
邑平山踞郡勝蒼翠足攬挹歐公昔構堂千載猶
岌岌邇者鞠爲墟榛莽泣露泣大雅洵有待良牧
慨新葺修墜殫苦心事初而非襲朝夕共衙齋經
營觀汲汲今來倏落成欣遇羣賢集出郭沿溪臯
登陸尋磴級朱栱層烟浮丹甍迴霄立彌望騁雲
端縱賞目不給南徐諸峯巒檻外如拱揖千帆帶

潮迴津樹壓城濕初柳綠未濃含桃紅尚澀茫茫
百感生俯仰周原隰光風汎遙岑披襟欣習習秉
蘭非吾好攀若且聊拾前徽苟不泯廢興在呼吸
游觀安足羨令名良所急

平山堂圖志卷第五

平山堂圖志卷第六

寧夏 趙之壁 編纂

藝文四

詩三

國朝

恭和

高士奇

御製平山堂原韻

閒堂古徑蜀岡西霏霏江雲入檻低寒月澗花隨
候冷落烟山鳥盡情啼纔因地迴

龍鑣駐却喜庭寬羽衛棲傳說名臣遊賞處今經

萬乘有新題

平山堂應

汪士鋐

制

欽限七律體用八齊韻二首

六一堂高俯碧溪仙鑣玉輅擁臺西長天日影輝
龍轡滿徑松陰散馬蹄四野迴看青靄合遙山高與白雲

齊蜀岡此日看留

蹕珍重

宸章萬古題

聖主東巡駐竹西觀風攬勝到招提千官扈

蹕鳴珂入萬騎從行簇仗齊雲路霓旌松際出江天塔影

望中低

翠華臨幸傳

奎藻共仰怡情

御墨題

平山堂

崔 華

烟樹蕪城外平山問古堂風流懷異代鞍馬駐斜
陽天闊江帆隱雲橫嶺鴈長廬陵名姓在花外斷
碑蒼

過平山堂懷王阮亭

曹貞吉

蜀岡南下俯平沙策杖登臨繫釣槎自是山光能
悅客非關遊子不思家天垂白練江流闊門對丹
楓驛路斜太息法曹今已去空餘灌木聚寒鴉

平山堂次東山先生韻

趙吉士

地脉通岷峨崇岡起天半繚城抱如屏瞰野峙若
案滄桑竟何有陵谷變昏旦獨有六一翁歷久聲
施爛古堂廢復興丹艸開榛蔓至今觴咏地風流
永不斷政事與文章可知兩無畔我來訪遺跡長
嘯冠屢岸看山憑危欄集客啟高閨詎云學士優
寸陰分緡算編摩念先澤真瀉風未散追和平山

篇散辭語璀璨淵源今可師物我希同患剗入龍
蛇壁古今賞竒玩

泛廣陵西鄙至平山堂

畢際有

柳色蕭疎暮靄浮紅橋放櫂足夷猶雙扉隱見花
間徑一水迴環竹裏樓日落人歸停畫舫荷枯天
冷立沙鷗歐陽遺蹟知何在隊隊牛羊下隴頭
平山堂中秋讌集奉酬金長真觀察二十四韻

盛符升

蜀岡何逶迤平臨江上山山光落空翠紛羅几席
間有堂自慶歷六一相追攀何期歷異代舊觀去

復還廢興感今昔憑弔思前賢踵事抑何美層樓
跨其巔東瞰九曲池西掬第五泉平山共真賞合
沓爭高騫落成復修禊翰墨如雲烟此會當秋半
明月滿江干瞻慕依棹楫辨香肅敦盤寥寥六百
載對越儼相看合坐同仰止次第披琅玕西園逐
飛蓋相與勉歲寒曾聞芍藥圃賓主稱王韓中秋
撰樂語淮海推詞翰昔我從濟南九日來盤桓酬
和傾豪俊文酒留餘歡勝事每遙集詞人樂比肩
千秋此登賞麗藻尤芊綿地以高賢重文緣嘉會
傳堂前憶楊柳風流足後先管弦方度曲待月意

悠然蒼茫恣俯仰山川爲布筵
和王阮亭先生九日登平山堂雜感

盛符升

此日盃輿愜勝遊平山高閣對清秋春生坐上吟
成卷再把茱萸泛碧流
六一遺蹤對晚霞叢祠古樹集寒鴉春風曾憶仙
翁面師友歐蘇得幾家

紅橋

孫枝蔚

畫舫日將斜紅橋對酒家歌聲傳水調女伴折荷
花明月臨城樹涼風亂野蛙竹西騎馬客歸路不

言賒

蜀岡

范國祿

落日西風縱馬蹄
平陽岡上草萋萋
不知來往人
多少看盡水天雲
樹低

避暑平山堂

陶季

周遭鬣鬣萬株松
穉竹千竿盡籜龍
隨意蹋歌行
不倦佛堂才打午時鐘

薄雲無定望
中銷歷歷風帆信
晚潮山色隔江青
一抹不知何地是金焦

踈簾清簟兩相宜
卧誦坡公雪夜詩
才喜五泉烹

茗後北堂聽雨又多時

記平山堂相別慧公畧無消息

陶季

觸熱曾過第五泉
芒屨箬笠暮雲天
息息一飯輟
舟去不見湯休又七年

平山堂

方象璜

蜀岡何逶迤
巋然出林藪
雲霞時卷舒
松竹蔭左右
城郭杳靄中
登樓重搔首
緬惟慶歷年
廬陵嘗載酒
滄桑幾廢興
臨風延伫久

初冬李艾山宋射陵宗子發李季子王景州歙州
崑繩集飲平山堂分韻
冷士嶠

孟冬美風日登此平山堂結賞列迴眺俛視臨蜀
岡參差見遠岫山色寒益蒼木葉紛且盡鴻鴈爭
南翔充懷托遠寄歷覽何洗洋引勝發遙咏不覺
頽夕陽輿人促歸騎落日遙相望寒烟起隴戍古
道歸牛羊揮手各分去通懷安可忘

至日同梁藥亭暨同社諸子讌集登平山堂

卓爾堪

迢迢遺事說前人陳迹登臨又一新天地愛才餘
數子江山占勝歷千春聚綠湖海關情遠飲藉詩
歌發興真至日喜無冰雪氣泉邊冬草軟如茵

遊平山堂

孔尚任

慶歷遺堂見舊顏晴空欄檻俯邗關密疎堤上千
絲柳深淺江南一帶山文酒猶傳居士意烟花總
待使君閒行吟記取松林路每度春風放艇還
早春泛舟至平山堂分韻

曹寅

倚天欄檻極空明吳楚風烟畫不成漱罷寒泉無
一語竹輿歸去有鐘聲

戊子暮春書平山堂壁呈麗杲和尚

傅澤洪

幾折坡陀路漸平到來翻喜亂鴉鳴不須更問師

聞否且看松光挂晚晴

春日登平山堂

繆肇甲

六一存高蹤遺堂猶慶歷政事有餘閒曾此靜棲
息古人不可見風流尚如昔雙塔插霄漢微磬響
空寂殘碑北宋留古寺南朝得春來山翠多倚欄
試吹笛

平山堂

杜仁傑

政事與文章古來兼者寡卓哉歐陽公乃是名世
者折花邵伯湖命妓傳杯竿登臨何多暇禾黍盈
四野太守既風流賓客亦文雅坐對江南山翩翩

共揮灑我來何所見緇徒滿蓮社山木鳥來還山
寺鐘已打

登平山堂分賦

黃陽生

移舟未放酒杯空尋壑經邱路幾重黃葉半遮蕭
寺院虛堂平對遠山峯郡中賢牧來廉叔竹下浮
生有仲容誰信歡游卻惆悵鶴城秋盡又初冬
上巳平山堂試第五泉

黃雲

棲靈寺畔涓涓瀨細路松間我舊諳最是禊辰宜
水潔偏于鄉味覺泉甘吟詩客愛親寒碧洗鉢僧
多就石潭夕照馬嘶人去後獨留清淺伴烟嵐

上巳登平山堂修禊

何嘉延

我家會稽山蘭亭在其右陵谷世代殊荒蕪既以
久萍梗汎天涯歲月惜常負袂禊多勝游於吾亦
何有昨暮渡揚子扁舟繫堤柳清晨值上巳招攜
藉良友水邊非不佳所愛陟層阜遙指平山堂構
自六一叟有宋慶歷間賢喆踵郡守公餘恣游讌
搜竒遍林藪大雅渺雲烟琳宮踞培塿循牧與名
彥力任慨不苟豁達闢軒楹蒼茫納戶牖岩崑還
鉅觀一滌山靈垢非供耳目觀緬懷前徽偶乃知
宇宙大締造在隻手勲德不自立將同草木朽芳

菲賞及時流連暢杯酒褰荔終與期贈藥漫相諉
鄙哉溱洧風挽此澆俗厚

紅橋

史申義

紅橋無幾曲秋水城隅長蓮葉已離披芙蓉正堪
賞安得攜童穉深深搖畫漿非同洛濱戲不比山
陰訪頗聞保障湖蒲葦清流廣水天自容與人影
久俯仰雅游無俗情勝地發遐想鳧鸕各成羣蛟
蝶見三兩秋蟬鳴古柳吾舟或可榜未知此生間
當著屐幾緗

暮登平山堂

程文正

揚州圖志卷六
儀舟尋舊跡步屨到花龕碧樹迎秋雨蒼山帶夕
嵐僧閒疎磬遠地古野泉甘接翅昏鴉亂遊人酒
正酣

同賀天士出郭雨驟不得到平山 姚 曼

重過漫說古揚州行李同君此暫留十二樓臺千
嶂夕萬家烟雨一船秋但經好酒還移棹不到平
山亦勝遊才子況當逢賀監何妨抵掌笑清流

揚州

徐昂發

欄檻層層俯薜蘿文章太守昔經過花爭幕下紅
粧豔山借江南翠黛多酒拍玉船添畫燭香籠繡

毯試蠻鞞春風楊柳垂垂綠腸

上已過平山堂

五慎行

發軔維揚城迢迢入塵陌不逢前裙女但見騎驢
客平山平似岬夾路植松柏堂空感良游事往念
前哲當時手種柳搖落那禁折暫此駐征鞍一帘
風向夕

平山堂

蔣 菁

堂前楊柳手經栽江上晴嵐望裏開自是蘇公三
過後惟聞鐘磬鎖蒼苔

由紅橋至平山堂

劉家珍

十里春沙襯馬蹄垂楊兩岸野雲齊今朝自分遊
湖早已有笙歌在竹西

遊平山堂

劉師恕

一船載童冠往眺平山春棟宇存名蹟風流見古
人虛牕收遠色浮世藐微塵更欲乘風去東尋若
木津

平山堂懷古二首

王式丹

登樓一拜思無窮闌檻依然拱萬峰幾度春風別
楊柳于今夕照冷杉松冠山梵閣題新額伐石名
泉寄舊蹤異代風流勞悵望也拚一醉飲千鍾

廣陵佳處敞層雲天地蒼茫自古今烟霧乍披風
疊疊晚烟欲落樹陰陰鐘聲坐接諸天近礪道行
穿一徑深林下何人供茗器清冷半勺洗煩襟

揚州懷古

杜詔

一上平山堂再拜歐陽子歌吹古揚州風流名刺
史政暇縱游宴看山輒來此蜀岡綿亘外京口蒼
茫裏時移采花舫座列傳花妓酒闌載月歸荷香
攜袖底誰誇金帶圍富貴良有以花開豔歲蕤花
落傷榛杞惟有檻前山歷歷江頭起

平山堂懷古

顧嗣立

霜銷雲氣收日脚正亭午江光動碧瓦隔岸青可
數吳山隱密林淮岫蟲極浦積陰挾寒濤勢欲到
堂廡緬懷六一翁流風邁千古傍崖置棟梁於焉
運斤斧堂成集羣僚清詩日吟苦渡水采芙蓉皓
腕牽纖縷翠娥趁月歌紅裙蹋筵舞遂使狐兔場
翻作圖書府茫茫五百年勝事今誰覩空餘三字
顏斗大映屋宇想當下筆時肘腋勞撐拄著紙墨
淋漓力挽千鈞弩形如鸞鳳翔結構各綴補歲久
墨花妍疎宕更媚嫵摩挲不忍去但以指畫肚夕
陽亂平蕪黃葉響山塢蜀岡鳥上下棲靈送鐘鼓

何當春明來松翠潤細雨屐齒印庭綠桃泉咽石
乳醉翁許為徒千載作賓主

平山堂讌集用壁間坡公次王居卿祠部韻

唐建中

守土風流兩居士一翁愛醉一翁醒何妨歌舞環
珠翠不少功名照汗青潮帶中泠長似練雲橫北
固宛如屏吾曹未老江山在看取高樓俎豆馨

徐陶璋

湖留保障名舊入廣陵志城北引迴瀾魚鳥雜荷
芰來往畫鷁通漑田長禾穗歲久感滄桑湮鬱失

水利邑里有名賢慷慨陳大吏故道須鑿疏唱和
興復議此議雖已寢經國非細事同儕寫短歌留
待采風使

汪木餅招同諸子花朝集平山堂 徐陶璋

平疇一望蕪城北堂開高敞延清風山浮遠勢看
隱見塏留雙影撐青空君家詩老真好事顏垣斷
綆修人工身後傍臺成馬鬣神靈欲伴歐陽公春
光滿眼集裙屐擘箋飛盞花香中我來覲此良宴
會斜陽映樹穿玲瓏

汪木餅招同諸子花朝集平山堂 唐繼祖

千林雨歇春昌昌數株風柳搖虛堂江螺點疊青
墮酒來與六一分山光當時主客不可見韓林片

石惟雍郎壁間宋碣惟荆公一人二老吟蛻亦久化雜花狼

藉空原香北阜覺堂兩先生修復山堂頗極文酒之盛今皆葬山側大雅口遠

才力薄暫前塵上清中腸名泉一甌吹佛火松寮

落日聞笙簧

汪木餅招同諸子花朝集平山堂 方肇夔

南徐諸峯羅畫屏虛堂直與諸峯平堂上搖毫翦
江水頓令秀色江天橫木餅弟昆今二陸蠻榼招
客凭風櫺百花爭圍沈宋席酒酣落紙春蠶聲天

光雲影盪胸臆步虛髣髴來相靈漫誇山青因吾
曹吾曹眼爲青山青

議復保障湖舊蹟

汪天與

廣陵據天心佳麗擅夙昔寶帶河繞郭蜀岡宸其
北中開十里湖一望涵空碧所以鍾靈區財賦天
下積嘗聞抵平山揚舲競挂席如何長葑菲日久
漸壅塞但許浴鳧鷖扁舟不可刺何當復舊觀吾
儕任其責

平山堂

張大受

六一風流迴莫攀常留佳蹟愛平山四衢城郭喧

闌外千載樓臺杳靄間石磴吟聲松響入夕陽杯
影鳥飛還登臨我輩空今昔獨爲高文憶醉顏

重九前三日平山堂和友人韻

徐葆光

登臨到此轉茫然高閣平山出遠天前輩詞場吾
輩共三分弦月二分先隔江山在無中有異代人
豪廢後傳堂外芙蓉尚如舊背人獨醉夕陽邊

八月十六夜平山堂待月

方原博

八月十六夜待月平山堂是時獨陰黑好景疑虛
將飲以酒一石趣以詩數行高歌寫清韻天聽從
來長初出狂雲裏隱隱含金光少時北風大驅雲

如驅羊忽然平樓白竹樹浮元霜不見轉東向稍
喜來深廊望滿笑老眼遠覺松煙黃更有影在水
橋冷空庭涼人靜散琴弈石路斷秋香城頭明鼓
角星露回朝陽憶昔六一子吟嘯遙相望月自有
隱見遊賞無偏妨今我得此夕何事生清狂玉成
應知感不語高蒼蒼

過平山堂

方貞觀

五年重到路依稀滿檻松篁正落暉極目雲歸和
鳥疾隔江山遠見煙微物情捐棄拋團扇人事炎
涼感袷衣莫更繞廊尋舊跡共題名輩半都非

載酒遊平山堂即目成韻

張鵬翀

幾度平山載酒遊畫船雲翼敞清秋微陰綠浪紅
闌裏不用笙歌列兩頭

游平山堂

張廷璐

蜀岡留勝蹟結構俯郊垆雲樹平高閣烟帆接遠
汀野延當檻綠山撫隔江青太守風流在千秋未
杳冥

平山堂燕集用韓孟會合聯句韻

程夢星

禮經索居愁易艾盍簪重倦遊朋方來未見意先
勇孟夏草木稠空郊羽毛聳駕言神輿輕寄咏心

源涌懷抱塞以開山川昔多壅郵函易寫憂把袂
難接踵舊雨憶東西停雲望邱壟既結良辰歡轉
生後時恐薄俗趨利場吾輩讀書種晤語斥煩囂
論文戒閑冗塵外敞虛堂松陰弔詩塚先外祖汪蛟門先生墓在
堂側蹟勝往古遺風和惟日寵嵐影過平疇江光
挹雕栱俯瞰志自怡歷險魂無恟柳枝初嬋娟吟
情爭供奉諸君收駢羅鄙材恥癭腫緬懷北宋時
即此南榮擁橫笛官奴吹擘牋營妓捧散步聽春
鷓閑謠荅秋蛩走或張籍僵立似孟郊壘吹哉維
歐蘇惜乎欠轍鞏當年少倡酬同儕想雜鱗至今

共登臨千載使惕悚世遠蓬卷風地靈芝茁茸何
期集榷楠遂令燦珎珙高會盟晉齊兼才得蜀隴
酒痕衣淋漓墨瀋案清溶放狂謝羈韁脫畧笑拘
拳逸韻有流傳得法在嫡冢公等抽繭絲我獨困
蠶蛹九萬鵬應搏一足夔亦踊蝸舍老藏身鳳巢
看養飀蕩蕩天門開坦坦大道甬漢上且題襟人
海行洵洵

平山堂

程夢星

歐公到處為齋堂揚州結構依蜀岡政清俗化有
餘暇簿書不亂防清狂眼前突兀非舊屋興頽舉

廢無時荒詩詞下筆妙一世和者傑手皆蘇王至
今文士勝遊集春秋排日提壺觴四方過客偶信
宿好名亦必停游韜雄樓傑閣滿天地斯堂不與
衡低昂山平水遠妙蘊藉畧如歐老行文章南徐
北固隔鄉縣憑君眼力收江光夷陵畫舫更何所
倚闌懷古山風涼

議復保障湖舊蹟

程夢星

誅茅近蜀岡東枕長湖曲每苦葑草繁頗礙鷗鷺
浴昔聞北湖水淪漣千頃足豈惟利灌溉荷芰供
遊目自種青泥芹遂令沙嶼促販夫競刀錐勝蹟

未易復憑誰挽清波貝此呀然腹小艇時一來高

吟倚修竹

程夢星

蜀岡尋古蹟

曉上崑岡日暮還試披荆莽共躋攀文章難問歐
蘇外政學猶追胡范間剩有濁河東注水誰知蒙
峇舊傳山叢祠古刹無人到更剔殘碑積蘚斑

遊平山堂

查祥

耳熟堂名識面初平生來往歎羸疎山隨江遠皆
如俯地以人傳信不虛有客尚能知載月因公兼
欲想環滁名區往往多僧占碑碣聞從洗剔餘

寄題蓮性寺東園

蔣溥

遙聞賀監最風流，吟遍蕪城寺樓楊柳陰。濃忘
溽暑芙蓉豔，發採清秋百城豈獨圖書富。三徑還
從求仲遊，我亦江南憑眺久。何當問訊到林邱。

冬日登平山堂和王阮亭先生韻 張湄

紅橋柳老葉墜霜，巢烏啞啞啼朝陽。蜀岡西望竦
層構，繚白縈青天一方萬株松翠罨。微逕木魚響
出林中，堂廬陵題字無恙在蛟龍。盤鬱雲烟蒼我
來，雖逢黃落後水石明秀堪相羊。第五泉亭坐淪
茗，閒呼野叟談柴桑。江南諸山紛到眼，長流天塹

鳴湯湯歷劫猶新六朝寺，刹竿森立旗飄揚。更倚
高樓眺直北，遠帆如鳥墮渺茫。眉山淮海久寂寞，
但有陳蹟留篇章。白頭懷舊心苑結，安能復鬪詩
力強。寒凝礪壑日色澹，古梅籬下枝低昂。絕憐蕪
城顛，頽客歲晏不得停征裝。

遊蓮性寺東園贈賀吳村二首 朱星渚

保障河上擁林巒，闌檻多憑次第安。已慣乘船似
騎馬，雅能結宇待驂鸞。有祠有閣皆仙界也屏風峙後容徐

歷鏡面當前許縱，看直把君家湖一曲移來此地。

共盤桓

歌吹紛紛鎮日忙更誰買地闢閒堂幽偏好傍千
花墀曲折多巡百步廊得氣龍蔥撐老樹捎雲青
翠挺新篁遊船徑過長凝望占取風流在上方

揚州東園

屈復

東園聯舊約遊理自無邊寺隔琅玕曲風清玉樹
前閒吟尋至味烹茗汲新泉忽聽西鄰磬花間落
晚烟

寒食前五日泛舟紅橋二首

陳撰

嬉春原不厭纏綿况是皴雲嫩日天憶得故園春
信早淡紅香白過湖船

綠蕪烟冷畫橋空一夜春聲入雨中百六已臨寒
食近桃花吹轉杜鵑風

曉上平山堂

周師周

萬松亭畔古秋壇石磴高低露未乾一氣早分花
界白六時初下日車寒岡連巴蜀傳疑久人到歐
蘇繼起難指點隔江山色近臨風懷古涕沈瀾

平山堂

汪從晉

載酒郊原作勝遊蜀岡放眼恰逢秋平湖荷蓋香
浮岸入耳松濤風滿樓明月二分招舊雨遙山一
桁豁閒愁古泉新闢桐陰下多少茶甘舌本留

同程友聲紅橋夜汎

厲鶚

月黑水深荷葉路涼螢無數繞船飛與君今夜紅
橋酒不負揚州白苧衣

四月十八日同人泛舟紅橋登平山堂送全紹衣

入京

厲鶚

邗溝夏水漲城陰積深翠酒舫壓草痕經年還一
至故人四明客含香識名字太學待何蕃少年推
賈誼合并有同岑繫維情莫比來聽郭公啼暫爲
鱖魚醉人生赴功名時乎偶然遂壯觀留長吟自
足千古意西上陟蜀岡新亭亦佳致歐公遺構在

清氣激松吹歷茅司徒廟眺謝司空寺涼雲遞疎
鐘平楚碧無次離愁生其間紛來不可避惟願追
前修遠轡從此始

程泚江編修招集篠園水亭分韻 厲鶚

虛亭俯烟渚客到眼初明沙柳侵天影風蒲學水
聲醉宜搖櫂去詩向倚闌成地主饒幽興流連待
月生

茅司徒廟迎送神辭

并序

厲鶚

廣陵蜀岡平山堂畔有茅司徒廟相傳神五人
茅許蔣祝吳其姓也茅名勝異姓約爲兄弟過

谿旁見一媪共母事之媪爲虎食五人奮力殺
虎地自是絕虎患子案南史梁王琳爲陳將吳
明徹所殺故吏朱瑒等請於陳徐陵還其首葬
八公山側尋有揚州茅智勝等五人密送喪柩
達于鄴通鑑揚州作壽陽是時以壽陽爲揚州
也琳舉兵平侯景遭時多故閒關異國欲以存
梁而卒死于戰五人非親故能送其喪柩還齊
誠義士哉當時江淮間思而祀之隋封司徒廣
陵之廟最著者以宋紹定中有陰殲李全功也
母媪事近不經驅虎之說或有之韓江雅集同

人爲迎送神辭分得此題因爲辨證如左使事
神者有考焉

絙弦兮鼓籠銅飛雨兮江岫東戈彗野兮旗燄空
神之從兮建寧公青林兮望篝火於菟兮弭道左
八公山側兮三臺下雲車未來兮我心苦
斗野平兮烟冪冪仁連蜷兮夜吹笛殪新塘兮銳
頭兒回風颯兮降毅姿福我氓兮大有曷報之兮
昔酒神醉止兮歸無方淮月升兮明古柳

五烈祠

厲 鶚

斜日陟崇岡新構麗丹牖江光屋角明松色簷際

落緬彼五貞媛下里質婉弱既靡傅姆訓勘習公
宮約松心生本直大義肯偷薄池女未結褵良人
事邊柝鐵衣爲國殤聞耗正驚愕高堂昧倫常妄
議動媒妁雁影誓不移雉經死非錯皎皎冰雪姿
同心實維霍知名甫及旬已定終身託比翼拆鴛
鴦秀頸付干鏢曰裔事更奇威姑汗帷箔從以二
女叔倚市爭笑謔素絲豈易緇良玉寧受灼縫紉
到桂裾畢命付冥漠更有二女宗秉心最端恪柔
順事賢夫箕帚自操作或招蠻溪魂或化華表鶴
決然殉幽泉相見面無怍維風激義舉買地費私

橐築祠倚平山下窆開翠壑馬鬣勢龍從烏頭儼
飛躍野媪薦蘋藻頓巫喧鼓籥巾幘有如此鬚眉
徒自裸回風溪雨來靈旗下紛若

項越莊招同潘秋田陳東麓張南漪家蘭谷泛舟
紅橋至平山堂納涼晚歸

出郭小艇如泛鳧屈曲遠見紅闌紆風輕亂颭水
揚柳橋轉忽刺青菰蒲名山可許三宿戀老僧猶
話六朝無松聲大可滌煩暑坐看夕景明烟蕪

萬松亭

吳可馴

游塵不可浣長嘯入青靄穿林露滴衣風引到深

平山堂圖志 卷六
三
隘誰歟繕孤亭側影儼張蓋仰攀雲陰低俯見江
流大殘鐘裊林杪一鳥白霞外曠懷得舒寫似茶
破昏昧選勝未有定坐領此爲最晚風作溪喧但
想漱寒瀨

夏日遊平山堂遇雨

陳章

片雲隨竹輿客到雨亦到平疇失百里虛堂淒四
隩風雷憐檢束揮霍資嘯傲點急濺成珠溜猛併
作瀑同遊半吳儂蠶麥計豐耗符欲畫丙丁術復
占禪竈篁繭憶嚴陵烟波思陸瑁變換不逾時煩
濤盡如掃陶陶孟夏交寂寂靈境造移樽睇新樹

綠色引前導斜暉靄松門殘滴濕藤帽山出江氣
低池淨天容倒林清獨鳥翔塘白羣蛙噪物理靜
自悟樂極防生懊歸途積潦橫相與慎所蹈

祝荔亭招同高西唐厲樊謝泛舟紅橋登平山堂

陳章

祝君隱微官胸中飽書味瀟灑藍田丞酸寒溧陽
尉春愁知我若連環呼船載酒蕪城灣羅袖飄香
簾影動墻花吹雪園扉關總是羈人歸未得但可
登望江南山江南山色時近遠晴波浮動江波暖
嫣然如笑靜女容影落尊前紅玉盃回舟眺望青

松林一抹餘霞半遮斷星光高映柳條疎水紋細
織蘆芽短寒食清明次第來默默鄉心誰爲管木
腸最有高隱君已卧長瓶猶飲滿

平山堂秋望

陳章

堂開集秋氣鳥下見平原雲薄橫崑軸山青淡海
門鐘鳴人自寂木落鳥隨翻欲慰蕭條目翻成憶
故園

初冬懈谷招遊平山堂

陳章

拘檢易爲樂堂空眼界寬平林生遠岫高檻入初
寒鐘動塵襟寂秋成野意歡風吹池上影白水憶

漁竿

獨游紅橋

陳章

荒涼北郭外野步愛晴泥買醉過橋去吟詩到日
西晚鴉楊樹墮寒蝶菊花畦適意還忘我浮名米
一稊

上元日遊平山堂晚歸

陳章

別戶登臨出梵宮看山雙眼盡於東孤遊且負當
杯手小住偏多弄袖風野鶴立依春水動疎梅點
向晚天空歸途擬踏今宵月不要星球照路紅

重濬保障湖

陳章

舉雷如雲集水工五塘分溜百泉通莫言開濬無
多地也有星辰應鼈東

一條新展碧玻璃萍葉初生荇始齊簫鼓畫船都
未放最先拍拍是鳧鷖

上元後一夕南圻招遊平山堂看月四首

符曾

平山堂下月中行泉水梅花分外清可惜遊人盡
歸去祇將絃管肄春城
一痕烟抹春山碧半嶺聲迴晚寺鐘此境可佳須
會得醒人寒吹有風松

見說山行不待呼帽簷花壓笑胡盧風情未許消

磨盡還有春愁到客無

清游最愛是煎茶手汲春泉試露芽舌本可能知

水味風爐記取玉川家

秋日放舟紅橋小飲

王藻

明流曲折樹侵堤小棹疎簾畫榭攜紅略約低船
緩進玉參差歇草長萋池塘衰柳雌雄燕籬落秋
花予母雞薄飲微曛歸路晚一天涼露下蓮西

紅橋秋禊詞四首

王藻

十三樓畔問扁舟硯具隨身出郭遊柳黛荷纒漸

蕭瑟紅橋風物入新秋

風約蓮香度碧潯木瓜酒醜過花斟一聲隣舫飄
歌版喚起曹騰十載心

兩岸人家夕鏡涵水邊籬落見江南女葵未斂牽
牛放一種微黃映淺藍

日落岡巒翠漸微水昏烟淡畫船歸晚風乍起衣
香散便有涼螢幾箇飛

平山堂秋望

馬曰琯

前賢遺躅地風韻至今留剩有寒泉冽空餘梧葉
秋江澄三面繞山遠一樓收冉冉斜陽下鐘魚起

客愁

夏日集篠園

馬曰琯

時候黃梅近林亭宿雨晴早荷爭水出晚筍上階
生雲影過橋斷茶聲隔院清可憐城市客無復此
閑情

東園春雨堂

馬曰琯

紅橋橋畔足烟蘿一代繁華付逝波如此春光如
此雨竹西今日已無多

秋日篠園分韻

汪玉樞

爽氣豁林巒連鑣出城郭沿溪詣篠園熟遊徑不

錯隔墻鼓桂花迎人香漠漠冷翠穿修林濃陰繞
山閣肅景值晴暄商飈轉蕭索籬菊未敷榮庭柯
半搖落華滋獨小山清芬燦繇萼且住即吾廬一
餉亦有託昨非事趨迎今乃解纏縛薄醉耽清幽
聯吟破寂寞少焉明月生逍遙共斯樂

南園池上十二韻

汪玉樞

背郭溪流靜閒園傍佛幢築堤因種柳鑿沼爲通
江雲影經秋薄潮聲到曉淙平橋低似甃虛閣窄
於艘苔色常侵壁山光遠入牕徑非騎馬路門有
繫船椿林杪棲幽鳥籬根卧小厖高歌多漫興短

笛任無腔就石安茶竈看花倒酒缸耽吟聊自適
鬥飲幾曾降漁艇烟汀集僧鐘野寺撞落霞天欲
暮鷗鷺去來雙

上元後一夕南圻招遊平山堂看月二首

汪玉樞

遊人去後倚平闌闌外金波萬頃寒不是探梅乘
夜至滿枝香月讓誰看
滿城燈火一年新偏愛虛堂寂寞春山月江風最
無賴故應清境屬閑人

平山堂秋望

吳家龍

憑高極目正秋空江北江南一望通香稻晚肥霜
斲蠚殘砧寒急暮天鴻廣陵濤湧思枚叔招隱山
深憶戴公此日登臨更懷古幾行衰柳夕陽中

自浙西歸里登平山堂

吳家龍

越水吳山幾逗遛歸來重眺蜀岡秋青泉碧樹都
如舊只有遊人已白頭

賢名千載仰文忠何幸蕪城得兩公天末會稽還
在望自慚庸吏拜清風

上元後一夕南圻招遊平山堂看月二首

洪振珂

乘興春宵結隊游泉聲穿澗瀉清幽引人最有娟
娟月吟上烟中古寺樓

月浸花光水浸臺遍開池館步蒼苔微風莫縹寒
潭色要看松篁倒影來

上元後一夕招同人遊平山堂看月二首

陸鍾輝

玲瓏松影畫圖間清磬傳聲入耳閒佛火龕明山
院靜破禪人至啟禪關

歷亂寒香散久曛倚闌如雪遶闌雲林中清唳不
知處鶴與梅花淡不分

秋夜宴平山堂

祝應端

愛客開嘉宴風清氣爽天桂苞初見坼山月未全
圓紅燭夜宜醉白頭秋可憐名園絲竹歇高詠獨
翛然

平山堂

許濱

足可登臨散客愁不妨洗屐數來遊泉香汲井澹
如雪山色隔江平到樓已少龍蛇遺舊蹟但餘楊
柳尚禁秋文章知己歐蘇後試問人能繼此不

蓮性寺東園作

朱禾

上上平山堂中途須小憩清波一間之微覺陂陀

異香車得得畫船撐次第經過水際亭爛熳鶯花
看不足流連歌吹有時停是間名勝堪遊覽尋常
不可無闌檻賴有河汾風雅人分林割地加烘染
飛軒窈窕修廊通疑留佳月延清風山石犖确高
梧桐繁花長蔓紛青紅新篁橫發似碧玉老樹擎
攫如虬龍遊人縱目開心胸隔江一桁陳千峯上
方傑閣羣真宮鳳鸞往往來長空定然過訪六一
翁參同契旨合易論仙宗大約同儒宗淮南桂樹
香叢叢主人燕集多勝槩我亦欣然淹客蹤

八月十六夜平山堂待月

釋行吉

昨夜月上遲初更猶未吐今宵繼歡宴澄懷瞻玉
宇汎汎雲無心沈沈山欲雨空此一樽傾徘徊步
深廡孤螢泣野草斷雁掠遠浦軋軋莎雞鳴點點
殘螢舞荒原照鬼火孤村響戍鼓秋聲獵疎栝夜
色暗林莽張琴不復彈逡巡出倚戶非無驚人句
意敗那復取造物吝奇賞不與此快觀莫益吟情
豪轉增俗目瞽蕭蕭罷良晤愴愴空懷古豈待高
興闌翻來挂環堵

平山堂圖志卷第六

平山堂圖志卷第七

寧夏 趙之璧 編纂

藝文五

詩餘

宋

朝中措 平山堂

歐陽修

平山闌檻倚晴空山色有無中手種堂前楊柳別
來幾度春風文章太守揮毫萬字一飲千鍾行
樂直須年少尊前看取衰翁

西江月 平山堂

蘇軾

三過平山堂下半生彈指聲中十年不見老仙翁
壁上龍蛇飛動 欲弔文章太守仍歌楊柳春風
休言萬事轉頭空未轉頭時皆夢

菩薩蠻 淹泊平山堂寒食節固陵錄事參軍表弟周元固惠酒為作此詞

黃庭堅

細腰宫外清明雨雲陽臺上烟如縷雲雨暗巫山
流人殊未還 阿誰知此意解遣雙壺至不是白
頭新周郎舊可人

八聲甘州 揚州次韻和東坡錢塘作 晁補之

謂東坡未老賦歸來天未遣公歸向西湖兩處秋

波一種飛靄澄輝又擁竹西歌吹僧老木蘭非一
笑千秋事浮世危機 應倚平山欄檻是醉翁飲
處江雨霏霏送孤鴻相接今古眼中稀念平生相
從江海任飄蓬不遣此心違登臨事更何須惜吹
帽淋衣

虞美人 向子諲

去年雪滿長安樹望斷揚州路今年看雪在揚州
人在蓬萊深處若為愁 而今不恨伊相誤自恨
來何暮平山堂上舊嬉游只有舞春楊柳自風流
水調歌頭 平山堂用東坡韻 方岳

秋雨一何碧山色倚晴空江南江北愁思分付酒
螺紅蘆葉篷舟千里菰菜蓴羹一夢無語寄歸鴻
醉眼渺河洛遺恨夕陽中蘋洲外山欲暝斂眉
峰人間俯仰陳迹歎息兩仙翁不見當時楊柳只
是從前烟雨磨滅幾英雄天地一孤嘯匹馬又西
風

朝中措 平山堂和歐公韻

沈端節

天遥野闊鴈書空山遠暮雲中目斷江南烟雨間
來敲枕松風功名富貴何須計較烟際疏鍾解
道淡粧濃抹從來惟有坡翁

絳都春 次韻趙西星遊平山堂

張榘

平山老柳寄多少勝遊春愁詩瘦萬疊翠屏一抹
江烟渾如舊晴空欄檻今何有寂寞文章身後啣
回竒事青油上客放懷樽酒知否全淮萬里羽
書靜草綠長亭津堠小隊出郊花底賡酬閒時候
和薰幃幙垂春晝坐看蓉池波皺主賓同會風雲
盛名可久

朝中措 平山堂次歐公韻

張榘

誰云萬事轉頭空春寓不言中底問垂楊在否年
年一度東風憑高慨古英雄亦淚我輩情鍾事

業正須老手清吟留與山翁

好事近

九日登平山和
王帥幹應奎

張 榘

素壁走龍蛇難覓醉翁真跡惟有斷岡衰草是幾
番經歷 紫萸黃菊又西風同作攜壺客清興未

闌歸去負晴空明月

摸魚兒

九日登平山堂
和趙子固帥機

張 榘

望神京目斷烟草青天長劍頻倚香街十里珠簾
月空想當年華麗堪歎處沙靄蒹葭伊軋雁聲起
平山謾記悵楊柳春風晴空欄檻陳迹總非是
重陽好紅葉黃華滿地良辰美景如此青油幕府

傳芳華萼露濃花氣還更喜看玉閫規恢笑騁

伊吾志塵清北冀便向關洛聯鑣巍巍冠佩麟閣

畫圖裏

唐多令

九日登平山
堂和朱帥幹

張 榘

斜日淡無烟重陽又一年悵垂楊幾度飛綿只把
晴空山色看多少恨倩誰牋 沙靄暗中原枕戈
誰夜眠儘今宵且醉花邊準擬來秋天氣好重把
菊嗅芳妍

元

臨江仙

和元遺山題
揚州平山堂

王 奕

二十四橋明月好暮年方到揚州鶴飛仙去總成
休襄陽風笛急何事付悠悠 幾闋平山堂上酒
夕陽還照邊樓不堪風景重回頭淮南新棗熟應
不說防秋

國朝

朝中措 平山堂

王士正

平山堂外又東風寒食柳濛濛欲訪歐公何處寒
烟暮靄連空 仙翁已遠髯公復去又筆誰工南
望金焦兩點江天依舊飛鴻

浣溪沙二首 紅橋懷古

王士正

白鳥朱荷引畫橈垂楊影裏見紅橋欲尋往事已
魂消 遙指平山山外路斷鴻無數水迢迢新愁
分付廣陵潮
綠樹橫塘第幾家曲闌干外卓金車渠儂獨浣越
溪沙 浦口雨來虹斷續橋邊人醉月橫斜棹歌
聲裏采菱花

朝中措 平山堂次歐公韻

陸求可

江山環繞野堂空一望兩眸中仰止歐陽遺蹟千
秋誰繼高風 竹林消暑荷香過雨紅袖金鍾來
往扁舟載月忘機好狎漁翁

朝中措

平山堂次
歐公韻

程康莊

平山晴色繪秋空
雲影大江中
昔日遺縱何處只
餘白草悲風
踟躕四顧荒城落
照破寺疎鐘
風物向南差勝
江湖卻羨漁翁

朝中措

平山堂
讌集

吳山濤

登臨酌酒散花驄
高閣上盤空
指點江山幾處斜
陽雨外猶紅
瓊筵醉客
揆天麗藻競道
吾公水部分司
太守千秋絕調
同風

江月晃重山

平山堂

吳綺

萬朶芙蓉曉日
幾年楊柳春風
簪花行酒望江東

人爭羨六一有高蹤
壁上龍蛇已往檻前鷗
鷺相從倚欄長嘯憶
仙翁雕簷外千丈海
雲紅

朝中措

平山堂次
歐公韻

金鎮

烽烟鐘磬總成空
往事夕陽中
重構雕甍畫檻還
他明月清風
廬陵杳邈千年
此地精爽猶鍾留
我名山片席迭教
做主人翁

揚州慢

重建平山堂落成

金鎮

碑洗莓苔僧移鐘
磬魏堂重創巖椒
與醉翁坡老千載
締神交最喜是纔
捐鶴俸競勸鳩工
便挿丹霄把廬陵
重付揚人俎豆休
祧流徽餘韻夙平

生仰止山高愛花種無雙泉名第五共鬪清標朱
拱碧欄之外雙峰隱對峙金焦望環滁不遠往來
風旆雲輶

東風第一枝

上巳平山堂宴集送南溪學士入都和韻

汪懋麟

蝶舞花殘鶯飛草長春愁此會都亂騁懷六一堂
邊高會五泉亭畔佳辰修禊更興感萍分蓬斷趣
今朝尊酒花前明日河橋柳岸京洛下舊遊總
換長樂外曉鐘遠喚名卿半在公門好褰後堂絳
幔君王市駿誰得似飛龍血汗問蒼生宣室重開
應歎老成無伴

念奴嬌

小春紅橋謝集同限一屋韻時有魚校書在坐

陳維崧

霜紅露白借城南佳處一冷秋菊更值羣公聯袂
到夾巷雕鞍繡軸一抹紅霞二分明月此景揚州
獨揮杯自笑吾生長是碌碌且喜絕代娥媧元
機娣姒更風姿妍淑惱亂雲鬟多刺史何況閒愁
似僕小逗琴心輕翻簾額一任顛毛禿倚闌吟眺
雲鱗噴起如屋

朝中措

平山堂次歐公韻有序

毛奇齡

揚州平山堂傾廢久矣康熙甲寅冬十月予過
揚州值太守金公從古處重建命予以酒且勸

歐陽公朝中措原詞使座客續其後予思歐公
贈劉原父詩時平山闌檻方盛猶然矐念手植
若有感于春風之易度者况距公千載而興是
堂其藉于世之為原父者豈鮮也因被醉書此
詞附座客後

青山猶在畫闌空人去夕陽中不道十年重到還
披此地清風蜀岡無恙堂成命酒一聽歌鐘未
識後來太守是誰能繼仙翁

長相思

紅橋尋歌者沈西

朱熹尊

石橋西板橋西遙指平山日未西舟來蓮葉西

人東西水東西十里歌聲起竹西西施更在西

賣花聲

紅橋後遊寄懷周翰柯

朱熹尊

雁齒小紅橋惟以招邀一渠春水柳千條正是江
南好風景烟月迢迢孤夢楚山遙各自無聊玉
人何處教吹簫客路不歸秋又晚木落蕭蕭

揚州慢

平山堂寫懷

李符

蘭若荒涼竹籬迢遞引人幾點疎鐘遶堂前好景
都藉隔江峰醉翁後誰為種柳眼邊空濶狂殺西
風是何村老樹霜凋忽墮輕紅揮毫萬字定沈
埋蔓草烟中但有地登臨便攜雙屐莫問西東况

去吾廬未遠紅橋路不算萍蹤奈方淮還遠榜人
催上烏篷

念奴嬌

小春紅橋陪王西樵先生及諸公讌集同限一屋韻

宗元鼎

廣陵烟暖逗陽春十月偏嬌絲竹北郭亭臺風日
好曲檻迴廊小屋客盛芙蓉才推吏部依約寒塘
綠人分八韻烏絲細寫盈幅 况有買恨王孫價
高香甚愁愛筵前玉縱飲千杯休惜醉莫負酒濃
茶熟一曲清歌半篙流水畫舫歸相續暮鴉又散
岡頭月照林麓

水調歌頭

聞趙恒夫權使平山堂讌集遙賦一調却寄

唐彥暉

九月秋容好紅樹映芳洲崇臺傑閣平山高處恣
遨遊聞道使君開宴還似歐公召客四座盡風流
遙想登臨日高會比丹邱 紅氍布侯鯖設玉蛆
浮金樽檀板霓裳疊舞不知愁粧點滿城風景招
集一時騷雅珠玉百篇酬歌吹竹西地千古說揚

州

山花子

平山堂即事

羅坤

天氣濃酣水碧藍紅橋新柳綠毯毯畫舫誰人歌
法曲訝何戡 芳草平山山下路廣陵小女藕絲
衫指點遙山烟淡處是江南

雙調望江南

楊柳風上
平山堂作

宗之瑾

平山柳春晚碧烟籠為憶歐公曾手種別來還舞
舊東風可與昔年同 重眺望獨立盼斜暉油壁
車停芳草外玉簫聲歇畫船歸好景尚依稀

滿庭芳

登平
山堂

汪文柏

迴合山岡參差竹樹憑闌佳景全收高賢結構壯
麗甲他州堂外垂楊手植春風裏金縷輕柔今何
在空教指點六一舊風流 三庚停皂蓋藕花折
取紅袖行籌漸歸來酩酊弄月乘舟我欲摩挲短
碣空漫漶難覓銀鈎低徊久夕陽西下漁唱起程

溝

點絳脣

紅橋

沈岸登

紅板橋頭酒旗摇曳花村裏綠楊如薺兩岸疏籬
綴 羅袖生涼簾影荷花細清歌起半篙秋水一
抹平山翠

偷聲木蘭花

紅橋
即事

鄒祇謨

綠楊城外平山路五里香塵消煖霧水碧迢迢溪
北溪南出畫橋 酒旗閒向青陰捲黃鳥一雙籬
外轉堤畔人家風細秋千影半斜

望江南

平山
堂

王式丹

揚州樂寒色滿平山檻外烟銷千嶺出溪頭風定
一舟還長嘯動江關

齊天樂 春日集
平山堂

程夢星

趣晴才問平岡路冷烟亂雲新掃樹不遮樓鐘偏
渡水僧亦喜人頻到高堂遠眺記風引泉聲月移
琴調幾度閒吟又隨松逕下殘照 誰留真賞似
昔歎仙翁已去空憶坡老比部詞工漁洋名重當
日清遊頓杳春寒料峭更我輩登臨一時憑弔只
有山光向人青自好

湘月

丁巳仲冬程仰山招同馬胎仙汪學軒攻石
詩江門下衡平泛舟紅橋徒步平山堂小憩

余滯淫旅人不到此三年矣茲遊樂
甚譜詞紀勝且歎良會之非偶然耳

江炳炎

廿年舊友恰重逢快比搏沙相聚緩泛扁舟過多
少照水人家牕戶敗葉聲乾斜陽影瘦慣伴寒鴉
語紅橋目極冷雲閒似堆絮 一乘興曳杖平山依
稀猶記得臨歧村路丹碧參差最好是松裏層層
佛宇拂石題名衝風煖酒只怕傷離緒者番弦合
肯教容易歸去

龍山會

重九日同馬相如黎渭北許江門雷
寄堂注綠野友簾攻石平山堂讌集

江炳炎

旅况逢佳節約伴升高暮氣浮簾額憑闌剛落日
露幾點隱隱遙岑橫碧懷古最關情指楊柳當年
秋色拂殘碑苔侵斷字邈焉陳迹空留野鳥遺
音喚雨啼風往事都狼籍人生真過客游衍處好
景應須珍惜莫放酒杯寬趁今夜涼蟾初白問何
如東籬寄傲折腰彭澤

采桑子

晚秋同程松門泛舟紅橋登平山堂

厲鶚

重陽過也成虛負賴有詩仙肯作延緣人與黃花
共一船沿隄轉盡垂楊路水影橋邊山影樽前
畫出傷秋雨後天

湘月

小春泛舟紅橋

厲鶚

客遊未嬾記名園水鑰誰與重叩淡寫霜痕愛到
處吹盡尋常歌酒斷澗通烟疏籬借暖尚挂微黃
柳移船遙去照人都為詩瘦何地更著功名天
教老子付垂綸閒手細數闌干問往事春共橫波
爭秀亂影風燈催歸晚笛眷此情依舊城頭生月
作成鄉思時候

木蘭花慢

九月霜晴約西唐巢林遊平山堂

陳章

支筇初病起養閒意斷塵勞看戶闔清秋院荒寒
蘚樹挾奔濤華軒定無過客趁晴光粉蝶一雙高

剝蟹先留指甲簪，黃羞照顛毛。
城濠綠漲葡萄，思釣艇想蘭皋共倚檻。
看山穿松覓路，況近題糕。故人未知閒否，倘能閒好句，屬吾曹。莫待風風雨雨，坐歎門柳蕭騷。

梅花引

冬日坐平山堂池上與敏修開七

陳章

綠萍池上綠楊風，有鶯翁有鳧翁。睨睨浮遊都在落花中。拖屐再來光景換，夕飈緊噪羣鳴聽晚鐘。晚鐘晚鐘隔疏松，橋半弓月半弓坐也坐也坐。傍著梅樹玲瓏，僧語如雲笑指一枝筇。約我粗酬身事了，訪雪竇問天台，更海峰。

齊天樂

春日集平山堂

陳章

淮東此是吟詩地，闌干下臨平楚。一抹山光，雙懸塢影中隱。清江如縷，春餘幾許，正綠翦烟蕪紅吹雲樹。恰好嬉遊鶉鳩何事，又呼雨。龍蛇當日走壁有風流，歐九應占千古韻。與堂高人如酒白燕，子飛來能語名泉酌。取待槐火新時，試烹花乳去。覓扁舟月痕天際吐。

齊天樂

春日集平山堂

樓錡

啼鴛喚我登臨去，剛逢嫩晴時候。花落平堤，雲銷綠野，贏得憑闌呼酒。自憐客久，漫幾度清遊，幾番

搔首慶歷風流而今空問數枝柳 韶華何事易
換但烟巒不改堂檻依舊忍負閒情儘舒倦眼繚
繞平林如繡坐銷永晝愛磬響松梢泉分苔甃欲
叩棲靈舊題還在否

三臺

蓮性寺
東園

沈雙承

記平山法海名勝廣陵號稱雙絕更紅橋一帶柳
如烟繞溪水園亭羅列盡日裏畫舫相攔截東風
裊笙歌如沸有多少寶馬香車消受此煙花夜月
恨年來琳宮西去金碧無端磨滅只剩得六一
舊山堂還自有汪淪披拂蓮臺重眺望無光澤誰

肯向昔時梵剎爲淨土再鑿銅陵並祇園重開金
穴 却誰知風流一老依約四明狂客傍楞迦星
宿耀文昌裝點盡一邱曲折與山林氣象全無別
問近日誰能相匹想從此墮珥遺簪是良辰總無
虛日

平山堂圖志卷第七

平山堂圖志卷第七

六

亦

亦

亦

亦

亦

亦

亦

亦



